



Na osnovu člana 16. Zakona o dopunskim pravima branitelja i članova njihovih obitelji drugi prečišćeni tekst, ("Službene novine Tuzlanskog kantona", br.: 10/20), člana 21. Odluke o utvrđivanju uslova, kriterija i postupka za dodjelu finansijskih sredstava u svrhu osiguravanja povoljnijih uslova za zapošljavanje branilaca i članova njihove porodice, ("Službene novine Tuzlanskog kantona", br.: 9/19 i 3/20) i člana 10. Programa korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2020. godini, broj:02/1-02-13508/20 od 07.07.2020. godine, Ministarstvo za boračka pitanja Tuzlanskog kantona objavljuje

PRVI PONOVLJENI JAVNI POZIV
za dodjelu bespovratnih finansijskih sredstava u svrhu
SAMOZAPOŠLJAVANJA branilaca i članova njihove porodice Tuzlanskog kantona

I Korisnici prava po ovom Konkursu

(1) Pravo na dodjelu finansijskih sredstava u svrhu samozapošljavanja branilaca i članova njihove porodice (u daljem tekstu: sredstva) po ovom ponovljenom javnom pozivu ima lice iz člana 1. Zakona o dopunskim pravima branitelja i članova njihovih obitelji (u daljem tekstu: Zakon), odnosno: članovi porodica šehida, poginulih, umrlih i nestalih branilaca; ratni vojni invalid; dobitnik ratnih priznanja i odlikovanja; demobilisani branilac, mirnodopski vojni invalid, kao i članovi porodice ratnog vojnog invalida, dobitnika ratnog priznanja i odlikovanja, mirnodopskog vojnog invalida i demobilisanog branioca (u daljem tekstu: kandidat), a koja se nalaze u evidenciji JU Službe za zapošljavanje Tuzlanskog kantona (u daljem tekstu: Služba).

(2) Samozapošljavanje podrazumjeva zapošljavanje radi pokretanja nove privredne djelatnosti.

II Planirana sredstva

(1) Ukupno preostala sredstava za samozapošljavanje iznose 52.000,00 KM, a dodjeljivat će se kao grant u visini do 10.000,00 KM.

III Uslov za dodjelu sredstava

Pravo na dodjelu sredstava po ovom ponovljenom javnom pozivu **ima** kandidat pod uslovom da:

- a) je prijavljen na evidenciji Službe kao nezaposlena osoba neprekidno duže od 30 dana prije objavljivanja ovog javnog poziva i koji bi koristeći dodijeljena sredstva obavljao vlastitu djelatnost
- b) je u roku iz tačke a) ovoga člana registrovao privredno društvo ili obrt ili je u toku registracija privrednog društva ili obrta i
- c) posjeduje poslovni plan za obavljanje djelatnosti kojom se namjerava baviti, te plan utroška sredstva koja su navedena u prijavi kao nedostajuća i vlastita sredstva.

IV Ograničenje prava na dodjelu sredstava za samozapošljavanje

(1) Pravo na dodjelu sredstava po ovom ponovljenom javnom pozivu **nemaju** kandidati koji su:

- a) koristili bespovratna sredstva odnosno kredite za zapošljavanje iz sredstava budžeta Kantona;
- b) koristili prava na zapošljavanje u skladu sa programima Službe;
- c) iz oblasti priređivanja igara na sreću;
- d) imaju neizmirenih dospelih obaveza po osnovu poreza i doprinosa i

e) u periodu od momenta objavljivanja javnog poziva pa do potpisivanja ugovora zasnovali radni odnos kod drugog poslodavca.

(2) Kandidat iz tačke I ovog Javnog poziva, sredstva **za samozapošljavanje** može koristiti samo jednom i isti se ne može pojavljivati za dodjelu novih sredstava za samozapošljavanje po novim javnim pozivima Ministarstva, niti to može član njegovog porodičnog domaćinstva.

(3) Pod članom porodičnog domaćinstva podrazumjevaju se bračni drug i djeca.

V Kriteriji za dodjelu sredstava za samozapošljavanje

Lista kandidata se utvrđuje na osnovu ostvarenog broja bodova utvrđenog po osnovu sljedećih kriterija:

- a) braniteljski status kandidata,
- b) stepen vojnog invaliditeta,
- c) priznanja i odlikovanja u Oružanim snagama Bosne i Hercegovine (u daljem tekstu: OS BiH) i
- d) dužina prijave na evidenciji Službe.

VI Prioritet za dodjelu sredstava za samozapošljavanje

Ukoliko na preliminarnoj rang listi dva ili više kandidata imaju isti ukupan broj bodova, prednost kod dodjele sredstava ima kandidat koji je duže prijavljen na evidenciji Službe, odnosno u slučaju iste dužine prijave na evidenciji prioritet se utvrđuje sledećim redoslijedom:

- a) član porodice šehida poginulog branioca,
- b) ratni vojni invalid prema većem procentu invaliditeta,
- c) dobitnik priznanja i odlikovanja prema vrsti priznanja i
- d) demobilisani branilac prema dužini učešća u OS BiH.

VII Način isplate odobrenih sredstava

(1) Sredstva odobrena kandidatu za samozapošljavanje mogu se isplatiti tek kada kandidat potpiše ugovor kojim se obavezuje da će ista utrošiti namjenski prema podnesenom zahtjevu.

(2) Ugovor iz stava (1) zaključuje se na period od najmanje 24 mjeseca.

(3) Sredstva odobrena za samozapošljavanje isplaćuju se jednokratno ili u više rata prema dostavljenom predračunu ili računu za plaćanje registracije, nabavku osnovnih sredstava za rad, nabavku opreme, alata, repromaterijala i dr..

(4) Sredstva odobrena za samozapošljavanje ne mogu se koristiti za: plaće, plaćanje poreza i doprinosa iz plaća, zakupninu prostora, režijske troškove (struja, voda, PTT, gorivo itd).

(5) U realizaciji odobrenih sredstava korisnici prava 20% sredstava, od ukupog odobrenog iznosa, mogu koristiti za ostale troškove koji nisu navedeni u stavu (3) ove tačke.

VIII Obaveze kandidata koji se samozapošljava

(1) Kandidat koji se samozapošljava dužan je vršiti redovan obračun i uplatu poreza i doprinosa u skladu sa Zakonom o porezu na dohodak i Zakonom o doprinosima.

(2) U slučaju prestanka rada registrirane djelatnosti po osnovu koje je kandidat ostvario pravo na sredstva, dužan je u roku od tri dana od dana prestanka rada, o tome obavijestiti Ministarstvo.

(3) Ako nastupe okolnosti uslijed kojih dođe do prestanka obavljanja registrirane djelatnosti, kandidat koji se samozapošljava je dužan u roku od 30 dana od dana prestanka registrirane djelatnosti, Ministarstvu vratiti iznos sredstava za period za koji nije dostavio pravdanje u skladu sa Odlukom o utvrđivanju uslova, kriterija i postupka za dodjelu finansijskih sredstava u svrhu osiguravanja povoljnijih uslova za zapošljavanje branilaca i članova njihove porodice.

IX Potrebna dokumentacija u svrhu samozapošljavanja

Uz zahtjev za dodjelu bespovratnih sredstava u svrhu samozapošljavanja, kandidat je obavezan priložiti sledeću dokumentaciju:

1. PRILOG

Popis potrebne dokumentacije uz zahtjev za dodjelu bespovratnih sredstava u svrhu SAMOZAPOŠLJAVANJA branilaca i članova njihovih porodica

Redni broj:	Naziv dokumenta	Organ koji ga izdaje dokument
(1)	Dokaz da je prijavljen na evidenciju Službe za zapošljavanje neprekidno duže od 30 dana prije objavljivanja javnog poziva (<i>original ili ovjerena fotokopija</i>)	JU Služba za zapošljavanje
(2)	Rješenje o registraciji od nadležnog općinskog organa odakle se jasno može utvrditi da je obrt registriran i oblik vođenja djelatnosti ili dokaz da je u toku postupak registracije (<i>original ili ovjerena fotokopija</i>)	Nadležni gradski/općinski organ
(3)	Poslovni plan za obavljanje djelatnosti koji se između ostalog sastoji od opisa namjene za obavljanje djelatnosti sredstava, drugih izvora financiranja, prethodnog radnog iskustva podnosioca zahtjeva u okviru te djelatnosti, posjedovanja strojeva, opreme potrebne za obavljanje djelatnosti, te drugih relevantnih informacija (kratak prikaz u tabeli, naziv investicije, visina investicije, vlastito učešće i efekt investicije),	
(4)	Ovjerena izjavu pod materijalnom i moralnom odgovornošću da kandidat po ovom Javnom pozivu neće koristiti i sredstva po Programima drugih ministarstava TK za poticaj samozapošljavanja i Programa Javne ustanove "Službe za zapošljavanje" TK, a koji se odnosi na podsticaj samozapošljavanja	Nadležna služba Grada/općine ili notar
(5)	Ovjerena izjavu pod materijalnom i moralnom odgovornošću o početku realizacije Programa, u roku od 30 dana od momenta potpisivanja Ugovora	Nadležna služba Grada/općine ili notar
(6)	Ovjerena izjava podnosioca zahtjeva da će djelatnost obavljati najmanje 24 mjeseca	Nadležna služba Grada/općine ili notar

<p>(7)</p>	<p>Dokaz o pripadnosti boračkoj populaciji: (original ili ovjerena fotokopija)</p> <p>a) za korisnika prava u statusu, PŠ-PB posljednje rješenje na snazi,</p> <p>b) za korisnika prava u statusu RVI: 1. posljednje rješenje na snazi i 2. uvjerenje nadležnog odjela odbrane o dužini učešća u OS BiH,</p> <p>c) za korisnika prava u u statusu DB: 1. uvjerenje o dužini učešća u OS BiH,</p> <p>d) za korisnika prava u statusu dobitnika ratnog priznanja i odlikovanja: 1. posljednje rješenje na snazi i 2. uvjerenje nadležnog odjela odbrane o dužini učešća u OS BiH,</p> <p>e) lica u statusu djeteta i supružnika korisnika prava: 1. posljednje rješenje na snazi, 2. uvjerenje o dužini učešća u OS BiH 3. izvod iz matične knjige rođenih i vjenčanih i</p> <p>f) lice u statusu udove supružnika korisnika prava: 1. posljednje rješenje na snazi, 2. uvjerenje o dužini učešća u OS BiH 3. izvod iz matične knjige rođenih i vjenčanih i 4. ovjerena izjava sa dva svjedoka da nije stupio/la vanbračnu zajednicu</p>	<p>Gradska/općinska služba nadležna za boračko invalidsku zaštitu (tč.a) Gradska/općinska služba nadležna za boračko invalidsku zaštitu (tč.1) Grupa za pitanja iz oblasti vojne evidencije (tč.2)</p> <p>Grupa za pitanja iz oblasti vojne evidencije (tč.1)</p> <p>Gradska/općinska služba nadležna za boračko invalidsku zaštitu (tč.1) Grupa za pitanja iz oblasti vojne evidencije (tč.2)</p> <p>Gradska/općinska služba nadležna za boračko invalidsku zaštitu (tč.1) Grupa za pitanja iz oblasti vojne evidencije (tč.2)</p> <p>Gradska/općinska služba nadležna za boračko invalidsku zaštitu (tč.1) Grupa za pitanja iz oblasti vojne evidencije (tč.2)</p>
<p>(8)</p>	<p>Uvjerenje o postojanju / nepostojanju duga po osnovu javnih prihoda</p>	<p>Porezna uprava F BiH Ispostave porezne uprave po Grada /općine</p>

Napomena: Izjave iz tačke 4.,5. i 6. podnosilac zahtjeva može dati na jednoj ovjerenoj ispravi.

X Rokovi za podnošenje zahtjeva

(1) Prijave na prvi ponovljeni javni poziv sa potrebnom dokumentacijom, podnose se putem Ureda za zajedničke poslove kantonalnih organa uprave, Ministarstvu za boračka pitanja, u roku od 15 dana od dana objavljivanja javnog poziva.

(2) Obrazac jednoobraznog zahtjeva zainteresovani kandidat može preuzeti na/u:

- web-stranici Ministarstva,
- Ministarstvu i
- općinskim službama za boračko invalidsku zaštitu.

Popunjeni obrazac jednoobraznog zahtjeva sa svim priložima predaje se putem pošte ili na pisarnicu Ureda za zajedničke poslove kantonalnih organa uprave, Ministarstvo za boračka pitanja Tuzlanskog kantona, Rudarska broj: 57., 75 000 Tuzla

[sa naznakom]

"Prijava na javni poziv za dodjelu finansijskih sredstava u svrhu samozapošljavanja branilaca i članova njihove porodice"

Javni poziv je otvoren počev od 17.08.2020. godine do 01.09.2020. godine.

Nepotpuni i neblagovremeni zahtjevi neće se razmatrati.

Ministarstvo za boračka pitanja Tuzlanskog kantona